

Na osnovu člana 18. Statuta Ljekarske komore ZE-DO kantona (prečišćeni tekst), Skupština Ljekarske komore Ze-do kantona donosi

P R A V I L N I K
O SADRŽAJU, ROKOVIMA I NAČINU
STRUČNOG USAVRŠAVANJA ČLANOVA KOMORE
(Prečišćeni tekst)

I OSNOVNE ODREDBE

Član 1.

Ovim Pravilnikom utvrđuje se sadržaj, rokovi i način stručnog usavršavanja članova Komore.

Svi članovi Komore dužni su se stručno usavršavati u skladu sa odredbama ovog Pravilnika a radi sticanja uvjeta za obnavljanje odobrenja za samostalan rad.

II SADRŽAJ

Član 2.

Obrazovanje ljekara ne prestaje završetkom studija ili specijalizacije nego se nastavlja kroz postupak trajnog stručnog usavršavanja u toku kojeg se obnavljaju i dalje usavršavaju znanja i vještine dijagnostike i liječenja.

Član 3.

Stručno usavršavanje mora u sebi sadržavati slijedeće principe:

- dostupnost usavršavanja svim članovima Komore, što podrazumjeva uključivanje u program trajne nastave svih ljekara,
 - jedinstvenost medicinske doktrine, što podrazumjeva da medicinska saznanja moraju biti svojina svih ljekara,
 - naučnu osnovanost i savremenost, što podrazumjeva da trajna nastava mora biti naučno osnovana i da prenosi nova svjetska i vlastita dostignuća radi osposobljavanja ljekara prema svjetskim standardima,
 - jednakost u nastavi, što podrazumjeva da nastavni oblici moraju biti jednaki nastavnom učinku i bodovnoj vrijednosti za sve struke,
 - slobodan izbor u nastavi, što podrazumjeva da svaki ljekar ima pravo izabrati sadržaj i oblik nastave koji mu odgovara s tim da ukupno prikupljeni bodovi za obnavljanje odobrenja za samostalan rad ne mogu biti isključivo iz jednog oblika usavršavanja,
 - obaveznost nastave, što podrazumjeva obavezu usavršavanja za svaku novu dijagnostičku ili terapijsku metodu koju ljekar uvodi u svoju praksu,
 - kategorizaciju nastavnih oblika, što podrazumjeva da se bodovnim sistemom vrednuju svi oblici trajne nastave prema kriterijima utvrđenim ovim Pravilnikom.
-

Član 4.

Stručno usavršavanje se sprovodi:

- sudjelovanjem u radu kongresa, simpozija i drugih oblika stručnih sastanaka, bilo međunarodnih ili domaćih,
- tečajevima za trajno usavršavanje,
- studijskim boravcima,
- objavljivanjem članaka u stručnim i naučnim časopisima ili publikacijama,
- položenom specijalizacijom,
- položenom subspecijalizacijom,
- sticanjem zvanja magistra medicinskih nauka,
- sticanjem zvanja doktora medicinskih nauka.

Član 5.

Teme trajnog usavršavanja, način njihovog organiziranja i provođenja utvrđuje Komisija za edukaciju i stručni kolegij zdravstvene ustanove.

Član 6.

Odluku o priznavanju i kategorizaciji oblika trajnog usavršavanja donosi Komisija za edukaciju.

Zahtjev za priznavanje i kategorizaciju oblika trajnog usavršavanja podnosi se najkasnije jedan mjesec prije njihovog održavanja.

Na osnovu dobivene odluke iz stava 1. ovog člana, organizator oblika trajnog usavršavanja, je dužan na pripremnim materijalima ili pozivima označiti vrednovanje oblika nastave u bodovima prema kriterijima utvrđenim ovim Pravilnikom.

Sa organizatorom oblika trajnog usavršavanja, Komora sklapa ugovor o međusobnim pravima i obavezama o čemu odluku donosi Izvršni odbor Komore na prijedlog Komisije za edukaciju.

III ROKOVI

Član 7.

Smatra se da je ljekar ispunio uvjete za obnavljanje odobrenja za samostalan rad ako je u prethodnom periodu od 6 godina stekao 60 bodova, od čega najmanje 50% mora biti sakupljeno mimo učešća na kongresima, aktivnim autorskim radom definiranim članom 4. ovog Pravilnika.

IV NAČIN

Član 8.

Komora organizira trajno usavršavanje prema Planu edukacije koji donosi Komisija za edukaciju.

Izvođenje trajnog usavršavanja iz stava 1. ovog člana Komora organizira u saradnji sa stručnim društvima, odnosno zdravstvenim fakultetima i klinikama.

Predlagači tečajeva mogu biti: stručna društva, medicinski fakulteti, Općinska povjereništa Komore, ustanove i pojedinci.

Član 9.

Sistem bodovanja za pojedine oblike stručnog usavršavanja utvrđuje se kako slijedi:

1. sudjelovanje na kongresima,

a) *domaći kongres,*

aktivno sudjelovanje	15 bodova
aktivno sudjelovanje – ostali	12 bodova
pasivno sudjelovanje	7 bodova

b) *međunarodni kongres,*

aktivno sudjelovanje	20 bodova
aktivno sudjelovanje – ostali	16 bodova
pasivno sudjelovanje	10 bodova

c) *kongres svjetskog ili evropskog udruženja*

aktivno sudjelovanje	25 bodova
aktivno sudjelovanje – ostali	20 bodova
pasivno sudjelovanje	10 bodova

NAPOMENA: aktivno sudjelovanje se dokumentira potvrdom o prisustvovanju i štampanim sažetkom rada, a pasivno sudjelovanje se dokumentira potvrdom o prisustvovanju.

2. sudjelovanje na tečajevima,

Tečajevi priznati od Komore,

a) *tečajevi prve kategorije,*

predavač	do	15 bodova
slušač	do	7 bodova

b) *ostali tečajevi,*

predavač	do	10 bodova
slušač	do	5 bodova

NAPOMENA: tečajevi prve kategorije su oni koji ne traju kraće od 20 radnih sati, a u koje je uključen štampani materijal sadržaja tečaja te provjera znanja na kraju tečaja. Broj bodova za ostale tečajeve određuje Komisija za edukaciju. Po završetku

tečaja polaznik dobiva potvrdu na kojoj je označena vrijednost tečaja u bodovima a koja služi kao dokumenat za priznanje stručnog usavršavanja.

- Međunarodni tečajevi,
- a) *tečajevi prve kategorije,*
 - predavač do 25 bodova
 - slušać do 15 bodova
 - b) *ostali tečajevi,*
 - predavač do 15 bodova
 - slušać do 10 bodova

NAPOMENA: kao pod tačkom 2., s tim da će Komisija za edukaciju razmotriti kategorizaciju tečajeve/škole kao međunarodne za svaki pojedinačni slučaj, uzimajući u obzir ispunjavanje bitnih kriterija (program, trajanje, naučne reference organizatora, struktura i reference predavača i dr.).

3. studijski boravci (u trajanju od najmanje 7 dana),

- studijski boravci u zemlji, s mentorom 10 bodova sedmično
- studijski boravci u inostranstvu 15 bodova sedmično

NAPOMENA: obavljeni studijski boravak se dokumentira potvrdom načelnika klinike i mentora.

4. stručni sastanci,

a) *stručni sastanci na odjelima Kantonalnih, Općih bolnica i u Domovima zdravlja,*

- predavač 3 boda
- slušać 2 boda

b) *stručni sastanci klinika*

- predavač 6 boda
- slušać 4 boda

c) *stručni sastanci u organizaciji ili sa odobrenjem Komore,*

- predavač 6 bodova
- slušać 4 boda

d) *sastanak stručnog društva,*

- predavač 6 bodova
- slušać 4 boda

e) *godišnji sastanak stručnog društva u zemlji,*

- predavač 6 bodova
- slušać 4 boda

f) *godišnji sastanak stručnog društva u inozemstvu,*

- predavač 15 bodova
- slušać 5 bodova

g) *simpoziji u zemlji,*

- predavač 6 bodova
 - slušać 4 boda
-

- h) *simpoziji s međunarodnim sudjelovanjem,*
 predavač 10 bodova
 slušač 5 bodova
- i) *stručna predavanja na javnozdravstvenim tribinama,*
 predavač 3 boda
- j) *on line usavršavanje putem akreditovanih web stranica*
 po uspješno obavljenom testu i
 dostavljenom dokazu 1 bod
- k) *rješavanje testova u elektroničkom obliku (on-line usavršavanje putem interneta) na web starnici Ljekarske komore Ze – do Kanton*
 uspješno riješen test i
 dostavljen dokaz 5-10 bodova.

* Pod testom u elektroničkom obliku podrazumijeva se svaki test koji je prethodno odobren od Komisije za edukaciju i koji je objavljen na web stranici Komore. Takav test mora sadržavati najmanje dvadesetpet (25), a najviše (50) pitanja. Da bi test, pisani ili elektronički, bio ocijenjen pozitivno, kandidat mora ispravno odgovoriti najmanje na 60% pitanja iz testa. Test od 25 pitanja boduje se sa 5 bodova, a za svakih dodatnih 5 pitanja u testu, broj bodova se povećava za 1 bod, tako da se test od 50 pitanja boduje s 10 bodova

NAPOMENA: prisutnost stručnim sastancima dokumentira se potpisom predsjednika stručnog društva i pečatom društva, podružnice ili ustanove na posebnim obrascima. Ukupan zbir bodova dobijenih putem on line edukacije ne smije biti veći od četvrtine potrebnih bodova za produženje licence.

5. publikacije,

- a) *naučni ili stručni članak objavljen u časopisu koji se citira u CURRENT CONTENTS ILI SCIENCE CITATION INDEX*
 prvi autor 40 bodova
 ostali autori ukupno 20 bodova
- b) *objavljen u INDEX MEDICUS, EXCERPTA MEDICA ILI MEDLINE*
 prvi autor 30 bodova
 ostali autori ukupno 15 bodova
- c) *Naučni ili stručni članak objavljen u časopisu koji se citira u ostalim indeksiranim bibliografskim bazama,*
 prvi autor 20 bodova,
 ostali autori – ukupno 10 bodova
- d) *neindeksirane publikacije,*
 prvi autor 12 bodova
 ostali autori 10 bodova
- e) *Univerzitetski udžbenici i druga nastavna i stručna literatura (knjiga, skripta, monografija, priručnik)*
 prvi autor 60-100 bodova
 ostali autori – ukupno 50- 80 bodova
 urednik 30- 50 bodova
 autor poglavlja 10- 30 bodova
 recenzent 25- 35 bodova

f) urednik indeksiranog časopisa, do 15 bodova godišnje

g) urednik neindeksiranog časopisa do 10 bodova godišnje

NAPOMENA: Komisija za edukaciju u svakom pojedinačnom slučaju vrednuje knjigu.

6. specijalizacije,

a) specijalistički ispit 60 bodova

b) usmjerena specijalizacija 40 bodova

c) dopunska višemjesečna
edukacija 30 bodova

7. naučni stepeni

7.1. naučni stepen iz medicinskih i stomatoloških nauka

a) magistar nauka 70 bodova

b) doktor nauka 150 bodova

7.2. Naučni stepen stečen nas srodnim fakultetima (prirodnomatemički, farmaceutski, zdravstveni):

a) magistar nauka 40 bodova

b) doktor nauka 90 bodova“

8. Ostali načini stručnog usavršavanja

Komisija za edukaciju može na temelju argumentiranih prijedloga dodijeliti godišnje 15 bodova za sudjelovanje u nekim novim oblicima stručnog usavršavanja, a koji nisu obuhvaćeni ovim Pravilnikom.

Član 10.

Ukoliko se desi da ljekar iz objektivnih razloga ne uspije sakupiti dovoljan broj bodova, mora pristupiti provjeri znanja prema posebnom ispitnom programu pred Ispitnom komisijom.

Ispitna komisija broji 3 člana i imenuje je Komisija za edukaciju.

Ispitni program utvrđuje Komisija za edukaciju.

V PRELAZNE I ZAVRŠNE ODREDBE

Član 11.

Ljekar je dužan podnijeti Komori dokaze o stručnom usavršavanju najkasnije tri mjeseca prije isteka roka od 6 godina od dobivanja odobrenja za samostalan rad ili obnavljanja odobrenja za samostalan rad.

Dokazi o ispunjavanju uvjeta (potvrde, fotokopije objavljenih članaka i drugo) moraju biti u skladu sa kriterijima utvrđenim ovim Pravilnikom.

Član 12.

Pravilnik stupa na snagu danom donošenja.

**Predsjednik Ljekarske komore
Ze-do kantona**

prim.dr Harun Drljević

Broj: 01/1- 140/1

Zenica, 12.05.2008.godine

Prečišćeni tekst Pravilnika sadrži odredbe:

- Pravilnik o sadržaju, rokovima i načinu stručnog usavršavanja članova Komore Ze-do kantona donijet na Osnivačkoj skupštini, održanoj dana 29.04.1999.godine
 - Odluke o izmjenama i dopunama Pravilnika o sadržaju, rokovima i načinu stručnog usavršavanja članova Komore Ze-do kantona sa sjednica Skupštine održanih: 03.03.2005.godine , 14.03.2007.godine
 - Odluka o izmjenama i dopunama Pravilnika o sadržaju, rokovima i načinu stručnog usavršavanja članova Komore Ze-do kantona donijeta na sastanku Izvršnog odbora 12.05.2008. godine
-